



# SLUŽBENE NOVINE

## OPĆINE KAKANJ

IZDAVAČ:  
Općina Kakanj  
GODINA XIX

Broj 10/2015  
Datum: 03.08.2015.  
Akti: 157 - 166

GRAFIČKA PRIPREMA I ŠTAMPA:  
STRUČNA SLUŽBA ZA POSLOVE  
OPĆINSKOG VIJEĆA

157.  
BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ  
Općinsko vijeće  
Broj: 01/1-236/15  
Kakanj, 30.07.2015. godine

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09), člana 13. stav 1. tačka c. Zakona o pripadnosti javnih prihoda u Federaciji Bosne i Hercegovine („Službene novine Federacije Bosne i Hercegovine“, broj: 22/06, 43/08 i 22/09) i člana 24. i 108. Statuta Općine Kakanj („Službene novine Općine Kakanj“, broj: 4/08), na 34. sjednici održanoj 30.07.2015. godine, Općinsko vijeće, **donijelo je**

### **O D L U K U** **o izmjenama Odluke o administrativnim taksama Općine Kakanj**

#### **Član 1.**

U Odluci o administrativnim taksama Općine Kakanj („Službene novine Općine Kakanj“, broj: 4/10, 3/11 i 11/13) u Tarifniku broj 7. tačka 1. „Za ovjeru svakog potpisa, iznos od „3,00 KM“ zamjenjuje se iznosom od „2,00 KM“.

U tački 3. „Za ovjeru autentičnosti rukopisa i prepisa“ podtačka: „Ako se ovjera vrši u više primjeraka (svaka slijedeća stranica)“, iznos od: „2,00 KM“, zamjenjuje se iznosom od „0,50 KM“

#### **Član 2.**

Ostali dio Odluke o izmjenama Odluke o administrativnim taksama Općine Kakanj ostaje neizmijenjen.

#### **Član 3.**

Ova Odluka o izmjenama Odluke o administrativnim taksama Općine Kakanj stupa na snagu danom donošenja i a objavit će se u „Službenim novinama Općine Kakanj“.

**PREDSJEDAVAJUĆI**  
**OPĆINSKOG VIJEĆA**  
Slaven Katičić, sr.

158.  
BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ  
Općinsko vijeće  
Broj: 01/1-216/15  
Kakanj, 30.06.2015. godine

Na osnovu člana 2.12. stav (5) Izbornog zakona Bosne i Hercegovine („Službeni glasnik BiH“, broj: 23/01, 07/02, 09/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13 i 7/14), člana 7. stav (1), tačka d) Uputstva o utvrđivanju kvalifikacija, broja i imenovanja članova izborne komisije osnovne izborne jedinice u Bosni i Hercegovini („Službeni glasnik BiH“, broj: 9/10, 37/10, i 74/11) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće na 33. sjednici održanoj 30.06.2015. godine, donijelo je

### **O D L U K U** **o imenovanju člana Općinske izborne komisije**

#### **Član 1.**

Za člana Općinske izborne komisije Općine Kakanj imenuje se:

EDIN (RASIM) KASPER

#### **Član 2.**

Mandat člana Općinske izborne komisije traje 7 (sedam) godina i teče od dana davanja saglasnosti Centralne izborne komisije BiH na ovu Odluku o imenovanju.

#### **Član 3.**

Nakon davanja saglasnosti Centralne izborne komisije BiH, ova Odluka o imenovanju će se objaviti u „Službenim novinama Općine Kakanj“.

**PREDSJEDAVAJUĆI**  
**OPĆINSKOG VIJEĆA**  
Slaven Katičić, sr.

Rješenjem Centralne izborne komisije BiH broj:06-1-07-1-263/15 od 08.07.2015.godine data je saglasnost na Odluku Općinskog vijeća broj:01/1-216/15 od 30.06.2015.godine o imenovanju Edina Kaspera, člana Općinske izborne komisije.